

De relatorn Barn klöffen va sprochen, kultur, gschicht ont identitet

## Bki: der trèff “Minoranze e migrazione in Trentino tra Medio Evo e modernità”



Il Bersntoler Kulturinstitut organizza per il 17 novembre la giornata di studi storico-linguistici “Minoranze e migrazione in Trentino tra Medio Evo e Modernità” presso la sala del municipio di Palù del Fersina. Tutti sono cordialmente invitati.

S Bersntoler Kulturinstitut, gèlts gott en zuazol va de Eu, organisiart an to va studium as de gschicht ont a s de sprochen van titl “Minoranze e migrazione in Trentino tra Medio Evo e Modernità”. Der trèff bart se hòltn as de 17 van doi mu'net en gamoa'sol va Palai va um nai'na de vria fin um secksa zoben. e

Bail en to bart men klöffen va drai bichtega temen: de mearer identieten van Alpn (Mittelalter), de ekonomischn, kultural ont linguistischn gamoa'schöftn ont de gschicht ont de sprochen van gamoa'schöftn van sprochen minder kennt.

Ver en earste tema barn klöffen Hannes Obermair van Eurac Research va Poazn, Ermenegildo Bidese va de Universitet va trea't, Giuseppe Ferrandi va de Fondazione

Museo storico va Trea't, Italo Franceschini va de Fondazione Biblioteca S. Bernardino; ont Emanuele Curzel va de Universitet va Trea't.

Van zboate tema de relatorn sai': Serena Luzzi va de Universitet va Trea't, Armando Tomasi van METS va S. Michele, Cinzia Lorandini va de Universitet va Trea't; Cesare Bernard van Institut Ladin va Fassa.

Van dritte tema, gschicht ont sprochen, barn klöffen Ermenegildo Bidese, Jan Casalicchio ont Federica Ricci Garotti, òlla drai va de va de Universitet va Trea't.

Der trèff ist ofet en òlla ont de sèlln as sai' enteressiart sai' inngalònt!

LORENZA GROFF

### MINORANZE E MIGRAZIONE IN TRENTINO TRA MEDIO EVO E MODERNITÀ

17 novembre 2023 ore 09.00  
17 òlderhaileng 2023 um naina

De sèlln as sai' enteressiart meing vinnen der modell va de vrog as de internetsait van omt

## Tolgamoaschöft: zboa bandi ver de studentn

La Comunità di Valle Alta Valsugana e Bersntol ha indetto due bandi per borse di studio e facilitazioni di viaggio per gli studenti. La domanda va presentata al Servizio Programmazione e Diritto allo studio della Comunità Alta Valsugana e Bersntol entro mercoledì 06 dicembre



De Tolgamoaschöft Hoa Valzegu' ont Bersntol hòt garo ausgaleik zboa bandi ver de studentn. Der earste ist an prais ver de peistn studentn, der ònder ist a zuazol as kimm en gem ver en sèll as se spendiarn za gea' za schual.

Ver za meing ogem de vrog, de enteressiartn miasn gea' derècknt en sitz va de Tolgamoaschöft pet òlla de dokumentn.

Der bando ont der modell va de vrog, mu men sa vinnen af de internetsait va de Tolgamoaschöft, en òlla de gamoa'n, en sitz va de tolgamoaschöft odr de meing pfròk kemmen pet an e-mail.

Men mias ausvilln de dokumentn pet òlla de datn, der stònt va de familia, de schualont asou envire. Der prais kimm ausgem no en drai kriteren: de punktn van student en de schual, der stònt va de familia ont de kostn ver za gea' za schual.

Der zuazol kimm gem ver en sèll as men spendiart ver de schual: de kostn za gea' za schual, de piacher, sèll as men praicht za schraim se inn oder ver a zimmer ont za èssn ont srouc envire.

Ver za meing nemmen toal de studentn miasn lem en a Gamoa' va de Tolgamoaschöft Hoa Valzegu' ont Bersntol, hom finz as 20 jor, inntschrim sai' ver en earste

vòrt en de sèlln classe ont hom an rèchten Icef (as miasn sai' zbischn 0,00 ont 0,3529).

Der ònder bando ist kemmen gamòcht ver òlla de sèlln as miasn nemmen der auto oder an privatn pulmin ver za gea' za schual oder za nemmen de koriara (der plòtz bo as geat virpai de koriara oder de schual miasn almen aboa kilometre vèrr van haus van student sai').

De kriteren ver za nemmen toal sai' de glaichen: lem en a Gamoa' va de Tolgamoaschöft Hoa Valzegu' ont Bersntol, hom finz as 20 jor ont drinn stea' en Icef. De zuazol kimm gem en de sèlln as gea' pet en sai' auto ont en de sèlln as zoln se sèlber an pulmin. Men schauk òlbe der Icef va de familia, de kilometre as men mòcht pet en auto ont der numer van roasn.

Ver za nemmen toal en peada de bandi, de studentn hom baif finz as de 6 van schantònderer um zeichena vria. Abia tsòck mias men vouraud de dokumentn ausvilln, dòra u'mèln se en sitz va de tolgamoaschöft ont dòra gea' ont mòchen de domanda zòmm pet an u'stellt va de tolgamoaschöft.

LORENZA GROFF

## IL LUPO



Domani pomeriggio alle ore 16.30 presso la sala comunale a Fierozzo andrà in scena “Il lupo” di e con Federico Vivaldi, prodotto da Elementare Teatro.

Morgn nomitto en gamoa'sol va Vlarotz kimm gamòcht an trèff va teater van titl “Il lupo” va ont pet Federico Vivaldi ont organisiart va Elementare Teatro. S ist an trèff ver de familie ont ver òlla de kinder as tauert unger a stunn.

Men mu se innschraim finz af de 7 van schantònderer

## Schualring en de Lander van EU ont aus de Europeische Union: s sai' u'ganommen kemmen de kriteren ver de studiumprais

La Giunta provinciale ha approvato l'avviso rivolto agli studenti del secondo anno dei licei quadriennali trentini o del terzo anno dei percorsi d'istruzione secondaria di secondo grado che intendono frequentare un periodo di studio in un Paese dell'Unione europea o nei Paesi extra Unione europea, per alcuni mesi o per l'intero anno scolastico 2024/2025.

Le iscrizioni sono aperte fino al 7 dicembre 2023 e il bando è scaricabile dal sito [www.vivoscuola.it](http://www.vivoscuola.it)

De Provinzaljunta hòt u'ganommen zboa bandi tsbunnen ver de studentn van zboate jor van trea'tner viarjoregenlicei ont van dritte jor van schual va zboateschual va zboate tritt as belletn

a zait en an lònt va de Eu, van Regno unito oder extra Europeische Union, ver a toal mu'netn oder ver en gònze jor 2024/2025.

Ver de studentn as gea' en EU oder en Regno unito, de voucher sai' zuazolt va de Europeische Union - Fondo sociale europeo, van Stòtt ont va de Autonome Provinz va Trea't ver za u'nemmen der programm FSE 2021-2027.

S gèlt ver de doi iniziativ ist va 730 tausnt euro ver 80 voucher. Ver de sèlln as gea'en de Lander aus va de Europeische Union, der paitrog ist va 700 tausnt euro, ont men stimt 80 studiumprais. S kimm va de Autonome Provinz va Trea't.

S meing toalnemmen de studentn as learnen en doi schualjor 2023/2024 de zboate klasse

van trea'tner viarjoregenlicei oder de dritte klasse van zboateschualn va zboate tritt van Trentin oder va aus Provinz, as hom nèt mear va zboa'sk jor schoa gamòcht, as vonen en de Provinz va Trea't, as hom an rèchn stònt van Icef. S tauern va de schualzait mu sai' a jor (mindestn 240 to) oder ver minder zait (mindestn 110 to). Men mut se innschraim va de 7 van òlderhaileng finz af de 7 van schantònderer ont men mu der bando aronemmen va de sait [www.vivoscuola.it](http://www.vivoscuola.it). De vrog miast inntroug kemmen lai durch telematischen virm ont men miast prauchen der SPID, de CIE oder de CPS finz af de 13:00 van pfinsta af de 7 van schantònderer 2023.

(lg)

## Autumn Photography: an kurs va fotografi pet de vòrm van herbest

Men geat envire pet de trèffen van kurs va fotografi „Autumn Photography“. As de 16 van òlderhaileng, bart se hòltn „Regards de L'Âme“ zòmm pet de autorn Luca Camprostrini ont Angelo Benedetti. De zboa leistn trèffen, as de 2 ont as de 30 van òlderhaileng, barn kemmen praucht ver za òrbetn as de letrattan van toalnemmer as sai' kemmen gamòcht en voudern trèffen ont ver za studiarn der editing van letrattn.